

# ROGHNÚ FOIRNE SEALADAÍ (LEIBHÉAL AD5) LE hAGHAIDH FHOIREANN AN PHRÍOMHEACNAMAÍ IN ARD-STIÚRTHÓIREACHT IOMAÍOCHTA AN CHOIMISIÚIN EORPAIGH

---

Tá an Coimisiún Eorpach ag eagrú próiseas roghnúcháin chun liosta inniúlachta a thiomsú ina mbeidh **8 n-iarrthóir** chun tuairim agus 4 phost riarthóra a líonadh ar Fhoireann an Phríomheacnamaí (CET) in Ard-Stiúrthóireacht Iomaíochta an Choimisiúin Eorpaigh (AS COMP).

Cuidíonn Foireann an Phríomheacnamaí le AS COMP anailís eacnamaíoch agus fianaise chainníochtúil a fhorbairt maidir le rialacha iomaíochta a chur chun feidhme. Cuireann eacnamaithe Fhoireann an Phríomh-Eacnamaí treoir ar fáil freisin maidir le saincheisteanna modheolaíochta agus le forbairtí beartas, agus tugann siad cúnamh i leith cásanna atá ar feitheamh os comhair Chúirteanna an Aontais Eorpaigh.

Le linn an phróisis roghnúcháin, tabharfar cuireadh d'iarrthóirí trialacha a dhéanamh mar atá leagtha síos i dTeideal 5.3 thíos. Cinnteoidh an Coimisiún go mbeidh na dálaí faoina ndéanfaidh iarrthóirí na trialacha sin i gcomhréir leis na moltaí atá leagtha síos ag na hÚdaráis Sláinte Phoiblí ábhartha (an Lárionad Eorpach um Ghair a Chosc agus a Rialú agus údaráis idirnáisiúnta, Eorpacha agus náisiúnta eile).

## 1. DUALGAIS AN PHOIST

Táthar ag súil go mbeidh na heacnamaithe agus na hanailisithe airgeadais a bheidh ar Fhoireann an Phríomheacnamaí in ann a bheith ag obair ar a gconlán féin, agus cuidiú a thabhairt na cúraimí seo a leanas a dhéanamh:

- Treoir ghinearálta a thabhairt maidir le saincheisteanna substainteacha i gcásanna in aghaidh trustaí, i gcásanna cumaisc agus i gcásanna státchabhrach a bhfuil baint ag Foireann an Phríomheacnamaí leo.
- Treoir shonrach a thabhairt maidir le saincheisteanna modheolaíochta agus obair fheidhmeach ar chásanna a bhaineann le cúrsaí eacnamaíochta agus/nó eacnaiméadrachta i dtaca le rialacha iomaíochta an Aontais Eorpaigh a chur i bhfeidhm.
- Cuidiú a thabhairt ionstraimí beartais iomaíochta a cheapadh.

## 2. CINEÁL AGUS FAD AMA AN CHONARTHA

D'fhéadfadh sé go dtairgfí don iarrthóir a n-éireoidh leis conradh sealadach faoi phointe (a) d'Airteagal 2 de Choinníollacha Fostaíochta Sheirbhísigh Eile an Aontais Eorpaigh (CEOS)<sup>1</sup> i gcomhréir leis an gCinneadh ón gCoimisiún an 16 Nollaig 2013 maidir le beartais i leith gníomhairí sealadacha a fhostú agus a úsáid ('Cinneadh 2013').<sup>2</sup>

---

<sup>1</sup> <https://eur-lex.europa.eu/legal-content/GA/TXT/PDF/?uri=CELEX:01962R0031-20210101&qid=1611304898611&from=EN>

<sup>2</sup>

[https://ec.europa.eu/info/sites/default/files/jobs\\_at\\_the\\_european\\_commission/job\\_opportunities/documents/com\\_mission-decision-temporary-agents-c-2013-9049-en.pdf](https://ec.europa.eu/info/sites/default/files/jobs_at_the_european_commission/job_opportunities/documents/com_mission-decision-temporary-agents-c-2013-9049-en.pdf)

Ní ceadmhach an conradh a bheith níos faide ná 4 bliana, agus féadfar 2 bhliain ar a mhéad a chur leis.

Maidir le fad iomlán an chonartha, cuirfear san áireamh freisin na forálacha ábhartha atá i gCinneadh an 28 Aibreán 2004 ón gCoimisiún maidir leis an uasfhad is féidir baill foirne neamhbhuana a úsáid (7 mbliana le linn tréimhse 12 bhliain), arna leasú le Cinneadh C(2013) 9028 final ón gCoimisiún an 16 Nollaig 2013 agus Cinneadh C(2019)2548 final ón gCoimisiún an 5 Aibreán 2019.<sup>3</sup>

## AN ÁIT FOSTAÍOCHTA

An Bhruiséil

## LEIBHÉAL

AD 5 (mar threoir gharbh, is é EUR 5 453.02 an buntuarastal míosúil tosaigh)

## 3. INCHÁILITHEACHT

### 3.1. Coinníollacha ginearálta

Ní mór d'iarrthóirí na ceanglais a leagtar amach in Airteagal 12 de Choinníollacha Fostaíochta Sheirbhísigh Eile an Aontais Eorpaigh a chomhlíonadh, iad seo ina measc:

- A bheith ina náisiúnach de Bhallstát den Aontas Eorpach;
- Aon oibleagáid i dtaca le seirbhís mhíleata atá orthu de réir an dlí náisiúnta a chomhlíonadh; agus
- Na riachtanais charachtair a chomhlíonadh a theastaíonn chun dualgais an phoist a dhéanamh.

Cuireann institiúidí an Aontais Eorpaigh beartas comhdheiseanna i bhfeidhm agus glacann siad le hiarratais gan aon idirdhealú a dhéanamh atá bunaithe ar aon fhoras amhail gnéas, cine, dath, tionscnamh eitneach nó sóisialta, airíonna géiniteacha, teanga, reiligiún nó creideamh, tuairimí polaitiúla nó eile, ballraíocht i mionlach náisiúnta, maoin, breith, míchumas, aois nó treoshuíomh gnéasach.

### 3.2. Eolas ar theangacha

Leagtar síos in Airteagal 12.2(e) de Choinníollacha Fostaíochta Sheirbhísigh Eile an Aontais Eorpaigh nach bhféadfar oifigeach a cheapadh mura gcuire sé fianaise ar fáil go bhfuil eolas cuimsitheach aige ar cheann de theangacha oifigiúla an Aontais agus eolas sásúil ar theanga eile de na teangacha sin.

Dá bhrí sin, ní mór eolas a bheith agat ar **2 cheann ar a laghad de theangacha oifigiúla an Aontais Eorpaigh**, leibhéal C1 (máistreacht ar an teanga) ar a laghad i gceann acu agus leibhéal B2 (eolas sásúil) ar a laghad sa cheann eile.

<sup>3</sup> [https://ec.europa.eu/transparency/documents-register/detail?ref=C\(2013\)9028&lang=ga](https://ec.europa.eu/transparency/documents-register/detail?ref=C(2013)9028&lang=ga)  
[https://ec.europa.eu/transparency/documents-register/detail?ref=C\(2019\)2548&lang=ga](https://ec.europa.eu/transparency/documents-register/detail?ref=C(2019)2548&lang=ga)

Tabhair do d'aire nach mór na híosleibhéil thuasluaite a bheith agat i dtaca le gach inniúlacht teanga (labhairt, scríobh, léamh agus éisteacht) atá iarrtha san fhoirm iarratais. Tá na hinniúlachtaí sin leagtha amach i gComhchreat Tagartha na hEorpa um Theangacha [Greille Féinmheasúnaithe - Gaeilge \(coe.int\)](http://coe.int).

San fhógra comórtais seo is mar seo a thagraítear do na teangacha:

- Teanga 1 (T1): An teanga a úsáidtear chun an litir inspreagtha agus an fhoirm iarratais dá dtagraítear i dTeideal 6 a dhréachtú, cé is moite de phointe 9.2 den fhoirm iarratais;
- Teanga 2 (T2): An teanga a úsáidtear agus pointe 9.2 den fhoirm iarratais á líonadh isteach agus san agallamh agus sa triail scríofa dá dtagraítear i dTeideal 5.3.

### **An teanga a roghnóidh tú mar Theanga 1, ní féidir í a roghnú mar Theanga 2 freisin.**

I bpointe 9.2 den fhoirm iarratais, iarrtar ar iarrthóirí a mhíniú conas a chomhlíonann a gcáilíochtaí agus a dtaithí oibre na critéir roghnúcháin atá leagtha amach i dTeideal 5.1. Beidh ról tábhachtach ag an gcuid seo sa réamhroghnú a dhéanfaidh an coiste roghnúcháin, rud a fhágfaidh go ndéanfar measúnú comparáideach ar na hiarrthóirí.

Tá tuilleadh eolais i dTeideal 4 faoi na teangacha a úsáidtear sa phróiseas roghnúcháin seo agus faoi na cúiseanna atá leis an gcóras teanga sin.

## **3.3. Critéir a bhaineann go sonrach leis an bpróiseas roghnúcháin**

### **3.3.1. Cáilíochtaí**

Faoin **sprioc-am le hiarratas a dhéanamh**, ní mór na nithe seo a leanas a bheith ag an iarrthóir:

- leibhéal oideachais is comhionann le cúrsa iomlán ollscoile, ar baineadh dioplóma amach dá bharr, nuair is **4 bliana nó níos mó** gnáthfhad cúrsa léinn ollscoile

**nó**

- leibhéal oideachais is comhionann le cúrsa iomlán ollscoile, ar baineadh dioplóma amach dá bharr, nuair is 3 bliana ar a laghad gnáthfhad cúrsa léinn ollscoile agus 1 bhliain ar a laghad de thaithí oibre ábhartha.

Ní ghlacfar ach le dioplómaí a bronnadh i mBallstát den Aontas Eorpach nó le dioplómaí a bhfuil teastais chomhluacha ag gabháil leo a d'eisigh na húdaráis i gceann de na Ballstáit sin.

### **3.3.2. Taithí**

Faoin **sprioc-am le hiarratas a dhéanamh**, ní mór **2 bhliain ar a laghad** de thaithí oibre lánaimseartha a bheith ag na hiarrthóirí, taithí a fuair siad i ndiaidh dóibh na **cáilíochtaí** is gá le cur isteach ar an bpróiseas roghnúcháin seo a bhaint amach, mar atá leagtha amach i bpointe 3.3.1 thuas, agus ar taithí í fuarthas i réimse a bhaineann leis na **dualgais** (mar atá leagtha amach i dTeideal 1 thuas).

Áireofar **taithí oibre** a fuarthas i gcomhairliúchán eacnamaíoch, sa saol acadúil, i ngníomhaireachtaí iomaíochta/rialála agus i réimsí oibre eile a bhaineann le dualgais an phoist (e.g. in eagraíochtaí agus/nó i gcomhlachtaí idirnáisiúnta, in institiúidí agus/nó

gníomhaireachtaí an Aontais Eorpaigh, in údaráis náisiúnta agus/nó réigiúnacha, in institiúidí taighde, in earnáil na tionsclaíochta, in institiúidí airgeadais, i gcomhairleachtaí eacnamaíocha agus airgeadais, i ngníomhaireachtaí rátála, i ngnólachtaí iniúchta, in eagraíochtaí neamhrialtasacha nó le linn tréimhsí féinhostaíochta), mar shampla.

Ní chuirfear taithí oibre san áireamh **ach amháin más rud é**:

- Gur fíorobair éifeachtach a bhí inti.
- Go raibh pá ag dul léi (ach amháin i gcás dochtúireachta; féach thíos).
- Go raibh caidreamh íochtaránachta nó soláthar seirbhíse i gceist léi.

Áireofar taithí oibre sna socruithe seo a leanas faoi réir na gcoinníollacha seo a leanas:

- Ní féidir **tréimhsí oiliúna** a chur san áireamh ach amháin má bhí pá ag dul leo.
- Ní féidir **seirbhís mhíleata éigeantach** a chur san áireamh ach amháin má críochnaíodh í (sular baineadh amach an dioplóma a theastaíonn nó ina dhiaidh), agus más rud é gur mhair sí ar feadh tréimhse nach faide ná an tréimhse atá leagtha síos i ndlí an Bhallstáit i gceist.
- Ní féidir **saoire mháithreachais/atharthachta/altramaís** a chur san áireamh ach amháin más cuid den chonradh oibre í.
- Is féidir **dochtúireacht** a chur san áireamh freisin fiú más obair gan íocaíocht a bhí sa dochtúireacht, ach amháin ar feadh uastréimhse 3 bliana agus ar choinníoll gur baineadh amach an dochtúireacht.
- Is féidir **obair pháirtaimseartha** a chur san áireamh, agus ríomhfar í ar bhonn *pro rata* ar bhonn an lín uaireanta an chloig a oibríodh, (e.g. mheasfaí gur 3 mhí oibre é obair leath-ama a mhair 6 mhí).

#### 4. GNÉITHE TEANGA AN PHRÓISIS ROGHNÚCHÁIN SEO

Iarrtar ar na hiarrthóirí a shonrú san fhoirm iarratais cé na teangacha is mian leo a roghnú mar Theanga 1 (**T1**) agus mar Theanga 2 (**T2**). Féach nach gá do mháthairtheanga a roghnú mar Theanga 1 ná mar Theanga 2, ar choinníoll go gcomhlíonann tú na riachtanais eolais atá leagtha amach sa dara mír de Theideal 3.2.

**Is féidir gurb í Teanga 1 aon cheann de 24 theanga oifigiúla an Aontais Eorpaigh.**

*Ní mór an Béarla nó an Fhraincis a roghnú mar theanga 2* ar na cúiseanna seo a leanas.

Ar mhaithe leis an tseirbhís, aon iarrthóir a n-éireoidh leis, ní féidir é a earcú sa réimse áirithe seo gan eolas sásúil (is é sin leibhéal B2 ar a laghad) a bheith aige ar an mBéarla nó ar an bhFraincis. Na hiarrthóirí a n-éireoidh leo, úsáidfí siad an Béarla den chuid is mó agus is lú an úsáid a bhainfear as an bhFraincis le haghaidh a gcuid oibre (cumarsáid inmheánach nó cumarsáid le páirtithe leasmhara seachtracha, nótaí faisnéise, óráidí, preaseisiúintí a dhréachtú). Dá bhrí sin, a fhad a bhaineann le seirbhísí AS COMP, is den rithábacht eolas sásúil ar cheann den dá theanga sin. Is ar mhaithe leis an tseirbhís a rinneadh an rogha seo:

iarrthóir ar éirigh leis nach gcomhlíonann an riachtanas sin, ní bheadh sé in ann dul i mbun oibre láithreach.

Ní mór na gnéithe seo a leanas a chur san áireamh freisin:

- Is é an Béarla an phríomhtheanga a úsáidtear i gcruinnithe inmheánacha laistigh d'Fhoireann an Phríomheacnamaí agus i gcruinnithe le seirbhísí eile de chuid an Choimisiúin.
- Is é an Béarla an teanga is mó a úsáidtear le haghaidh anailísiú, i gcumarsáid le páirtithe leasmhara seachtracha (lena n-áirítear teagmhálacha leis na Ballstáit agus obair le linn cuairteanna), agus chun foilseacháin, tuarascálacha agus tograí reachtaíochta a dhréachtú. Is i mBéarla den chuid is mó a dhéanann baill foirne nótaí faisnéise agus óráidí a dhréachtú freisin.
- Eagraíonn Foireann an Phríomheacnamaí cruinnithe le heacnamaithe ó na húdaráis iomaíochta náisiúnta laistigh den Ghréasán Eorpach Iomaíochta. Is i mBéarla a reáchtáiltear na cruinnithe sin agus ní dhéantar ateangaireacht orthu. Eagraíonn Foireann an Phríomheacnamaí cruinnithe le saineolaithe sa Ghrúpa Comhairleach Eacnamaíochta maidir leis an mBeartas Iomaíochta. Is i mBéarla a reáchtáiltear na cruinnithe sin agus ní dhéantar ateangaireacht orthu.
- Is i mBéarla a reáchtáiltear formhór na gcomhdhálacha a eagraíonn AS COMP.
- Úsáidtear an Fhraincis ó am go ham chun críocha na cumarsáide inmheánaí laistigh de AS COMP.

## 5. AN PRÓISÉAS ROGHNÚCHÁIN

### 5.1. Réamhroghnú

Déanfaidh an coiste roghnúcháin, arna chomhdhéanamh i gcomhréir le hAirteagal 2(c) den chinneadh ón gCoimisiún an 16 Nollaig 2013 maidir le beartais i leith gníomhairí sealadacha a fhostú agus a úsáid, agus, más gá, scrúdaitheoir amháin nó níos mó de chúnamh aige mar chomhairleoir, déanfaidh sé réamhroghnú ar bhonn cáilíochtaí, taithí agus eolas cruthaithe na n-iarrthóirí ar theangacha.

Chuirge sin, tabharfaidh an coiste roghnúcháin do gach critéir an t-ualú seo a leanas, lena ndéanfar na hiarrthóirí a mheas:

Cáilíochtaí	40 %
Taithí	55 %
Teangacha	5 %

Cuirfear na critéir seo a leanas san áireamh, agus measúnú á dhéanamh ar cháilíochtaí agus ar thaithí oibre na n-iarrthóirí i gcomhréir le Teideal 3.3:

- **Cáilíochtaí:** Eolas maith ar airgeadas, cuntasáíocht, micreacnamaíocht, eacnaiméadracht, eacnamaíocht phoiblí agus/nó eacnamaíocht rialaitheach, agus

bunchéim nó iarchéim, a bhfuil cúrsaí i gceann amháin ar a laghad de na réimsí sin mar chuid di, mar fhianaise ar an eolas sin.

**Measfar gur buntáiste na cáilíochtaí seo a leanas:**

- Bunchéim nó iarchéim inar díriodh ar airgeadas corparáideach, luacháil, anailís airgeadais, cuntasáiocht, eagrú tionsclaíoch, eacnamaíocht phoiblí agus/nó eacnamaíocht rialaitheach;  
agus/nó
  - Iarchéim san airgeadas, sa chuntasaíocht, sa mhicreacnamaíocht, san eacnaiméadracht, san eacnamaíocht phoiblí agus/nó san eacnamaíocht rialaitheach agus/nó;
  - Cáilíocht/teastas gairmiúil san anailís airgeadais (amhail CFA, ACCA).
- **Taithí:** Taithí oibre i réimse an airgeadais (anailís airgeadais, airgeadas corparáideach, luacháil, maoiniú tionscadail, rátáil chreidmheasa, bainistíocht riosca airgeadais, baincéireacht infheistíochta nó margaí caipitil), na hiniúcháireachta, na cuntasáiochta, an bheartais iomaíochais, an eagraithe thionsclaíoch, na heacnamaíochta poiblí nó na heacnamaíochta rialaithí.

**Measfar gur buntáiste an taithí oibre seo a leanas:**

- Taithí oibre in anailís airgeadais úrscothach a chur i bhfeidhm lena n-áirítear airgeadas corparáideach, luacháil sócmhainní (e.g. cothromas, ioncam seasta, díorthaigh), rátáil chreidmheasa, bainistíocht riosca airgeadais, baincéireacht infheistíochta nó gníomhaíochtaí na margaí caipitil;  
agus/nó
- Taithí oibre san anailís ar phleananna gnó agus/nó measúnú ar ráitis airgeadais nó ullmhú ráiteas airgeadais;  
agus/nó
- Taithí oibre i mbunachair sonraí airgeadais a úsáidtear go forleathan san anailís airgeadais (e.g. Bloomberg, Capital IQ);  
agus/nó
- Taithí oibre i gcur chun feidhme na heacnamaíochta airgeadais sa bheartas iomaíochais agus/nó i gcur chun feidhme na micreacnamaíochta, na micreacnaiméadracht nó na hanailise airgeadais sa rialáil;  
agus/nó
- PhD, taithí taighde nó obair chomhairliúcháin a bhaineann leis na gníomhaíochtaí thuasluaite;

Déanfaidh an coiste roghnúcháin incháilitheacht na n-iarrthóirí a rangú in ord íslitheach de réir na marcanna a ghnóthaigh siad le linn chéim an réamhroghnúcháin agus ansin déanfaidh sé incháilitheacht na n-iarrthóirí a sheiceáil (féach Teideal 5.2 thíos).

## 5.2 Seiceálacha incháilitheachta

Na hiarrthóirí a bhfuil na marcanna is airde faighte acu ag céim an réamhroghnúcháin, iarrfar orthu doiciméid tacaíochta oifigiúla a sholáthar ina mbeidh fíorú ar an bhfaisnéis a thug siad san fhoirm iarratais agus sa litir inspreagtha (mar atá leagtha amach i dTeideal 6 thíos). Mura bhfaighfear na doiciméid sin faoin sprioc-am atá leagtha síos, measfar go bhfuil an t-iarratas ar neamhní.

Déanfar na coinníollacha incháilitheachta atá leagtha síos i dTeideal 3 thuas a sheiceáil i gcomparáid leis na sonraí a thug na hiarrthóirí ina n-iarratas ar líne agus leis na doiciméid tacaíochta sin. Seiceálfaidh an coiste roghnúcháin an gcomhlíonann na hiarrthóirí na coinníollacha incháilitheachta ar fad. Ní thabharfar cuireadh go céim an roghnúcháin ach do na hiarrthóirí a chomhlíonann na coinníollacha incháilitheachta ar fad.

Déanfaidh an coiste roghnúcháin an incháilitheacht a sheiceáil in ord íslitheach na marcanna a ghnóthaigh siad ag céim an réamhroghnúcháin go dtí go sroichfidh an líon iarrthóirí **dhá oiread ar a mhéad an lín iarrthóirí atá á lorg don phainéal**. Maidir leis an áit dheireanach, i gcás ina ngnóthóidh roinnt iarrthóirí an marc céanna, tabharfar cuireadh dóibh ar fad. Ní sheiceálfar na comhaid eile.

## 5.3. Roghnú

Na hiarrthóirí a ghnóthaigh na marcanna foriomlána is airde sa réamhroghnú, laistigh den **uasteorainn dhá oiread ar a mhéad an lín iarrthóirí atá á lorg don phainéal**, agus a chomhlíonann na coinníollacha incháilitheachta, tabharfar cuireadh dóibh chuig na trialacha seo a leanas:

- **Triail scríofa a dhéanamh i dTeanga 2** chun measúnú a dhéanamh ar inniúlachtaí seo na n-iarrthóirí: **a)** anailísiú agus réiteach fadhbanna; **b)** cáilíocht agus torthaí; **c)** tosaíochtaí a chur in ord tábhachta agus eagrúchán; agus **d)** cumas scríofa chomh maith le heolas a bhaineann leis na dualgais a leagtar amach faoi Theideal 1. Roghnóidh na hiarrthóirí **ábhar amháin as dhá ábhar** a bhaineann leis na dualgais a leagtar amach faoi Theideal 1.
- **Agallamh i dTeanga 2** chun measúnú a dhéanamh ar inspreagadh na n-iarrthóirí agus ar na hinniúlachtaí seo a leanas: **a)** anailísiú agus réiteach fadhbanna; **b)** cáilíocht agus torthaí; **c)** foghlaim agus forbairt; agus **d)** cumarsáid ó bhéal chomh maith le heolas a bhaineann leis na dualgais a leagtar amach faoi Theideal 1.

Cuirfear an t-eolas praiticiúil uile a bhaineann le heagrú na dtrialacha sa chuireadh chun na dtrialacha.

Is iad na hiarrthóirí a ghnóthaigh na marcanna íosta riachtanacha de **10/20 sa triail scríofa**, agus **35/60 san agallamh** a chuirfear ar an bpainéal, ar choinníoll go gcomhlíonann siad na coinníollacha eile a leagtar amach san fhógra seo.

#### 5.4. Liosta inniúlachta na n-iarrthóirí ar éirigh leo

Cuirfidh an coiste roghnúcháin ar an liosta inniúlachta ainmneacha na n-iarrthóirí ar éirigh leo a ghnóthaigh gach pasmharc chomh maith agus a ghnóthaigh na marcanna is airde sa triail scríofa agus sa triail ó bhéal le chéile as 80, laistigh de theorainn an lín iarrthóirí atá á lorg sa phróiseas roghnúcháin. Maidir leis an áit dheireanach, i gcás ina ngnóthóidh roinnt iarrthóirí an marc céanna, cuirfear iad ar fad ar an liosta inniúlachta.

Beidh an liosta inniúlachta **bailí go ceann 2 bhliain** ón dáta a thiomsóidh an coiste roghnúcháin é. Féadfar síneadh ama a chur le bailíocht an liosta.

### 6. IARRATAIS

Ní mór do na hiarrthóirí na **doiciméid seo a leanas a thabhairt sa chomhad iarratais**:

- **An fhoirm iarratais** agus í líonta isteach i gceart
- **An litir inspreagtha**, agus í dréachtaithe i dTeanga 1
- Cóip de dhoiciméad oifigiúil a **chruthaíonn saoránacht** an iarrthóra (cárta aitheantais nó pas), sa **bhunteanga**
- Cóip den **diplóma/de na diplómaí** nó den teastas/de na teastais a chruthaíonn go bhfuil an leibhéal oideachais acu a theastaíonn sa **bhunteanga**
- **Teastais fostaíochta** a chruthaíonn fad na taithí oibre atá acu. Dáta tosaigh, dáta deiridh agus fad gach ceann de na tréimhsí taithí oibre atá an t-iarrthóir ag iarraidh a chur san áireamh don phróiseas roghnúcháin seo, ní mór an méid sin a bheith luaite go soiléir sna doiciméid sin. Chuige sin, is é rud is fearr, na hiarrthóirí teastais fostaíochta óna n-iarrfhóistoirí agus óna bhfóistoirí reatha a chur ar fáil. Ina n-éagmais sin, glacfar le cóipeanna de na doiciméid seo a leanas, mar shampla: conarthaí fostaíochta maille leis an gcéad duillín pá agus an duillín pá deiridh agus duillín pá na míosa deiridh de gach bliain eile i gcás conradh a mhair níos mó ná bliain, litreacha oifigiúla nó doiciméid cheapacháin maille leis an duillín pá deiridh, taifid fostaíochta, dearbhuithe cánach (**sa bhunteanga**).

Ní ghlacfar leis an iarratas go críochnaitheach go dtí go gcuirfear na doiciméid tacaíochta a iarrtar ar fáil.

Má bhíonn aon amhras ar na hiarrthóirí faoi chineál nó faoi bhailíocht na ndoiciméad atá le cur ar fáil, ba cheart dóibh teagmháil a dhéanamh le rúnaí an bhoird roghnúcháin 10 lá oibre ar a laghad roimh an sprioc-am, tríd an mbosca ríomhphoist feidhmiúil ag an seoladh ríomhphoist seo:

[COMP-SELECTION2023-TACET-AD5@ec.europa.eu](mailto:COMP-SELECTION2023-TACET-AD5@ec.europa.eu)

Is é is cuspóir dó sin cabhrú leis na hiarrthóirí iarratas iomlán inghlactha a bheith curtha isteach faoin sprioc-am.

Iarrthóirí ar éirigh leo agus a bhfuiltear chun post a thairiscint dóibh, iarrfar orthu, ag céim is faide anonn sa phróiseas, bunchóipeanna na ndoiciméad uile a theastaíonn a chur ar fáil chun gur féidir iad a earcú.



Ní mór na hiarratais, agus iad líonta isteach go hiomlán, mar aon le litir inspreagtha agus na doiciméid ar fad is gá a sheoladh chuig an mbosca ríomhphoist feidhmiúil:

[COMP-SELECTION2023-TACET-AD5@ec.europa.eu](mailto:COMP-SELECTION2023-TACET-AD5@ec.europa.eu)

Ba cheart d'iarrthóirí an bosca ríomhphoist feidhmiúil sin a úsáid i gcónaí le haghaidh gach comhfhreagrais leis an gcoiste roghnúcháin agus le haghaidh gach iarratais ar eolas.

**Ní mór gach iarratas a dhéanamh roimh 12.00 meán lae, am na Buiséile an 8 Eanáir 2024.**

## **7. IMRÉITEACH SLÁNDÁLA**

De bhun Airteagal 10(2) de Chinneadh (AE, Euratom) 2015/444 ón gCoimisiún an 13 Márta 2015 maidir leis na rialacha slándála chun faisnéis rúnaicmithe AE a chosaint<sup>4</sup>, beidh údarú slándála faighte ag gach duine ar féidir go mbeidh air rochtain a bheith aige ar fhaisnéis rúnaicmithe AE ar an leibhéal ábhartha (SECRET UE/EU SECRET) de bharr a dhualgas sula dtabharfar rochtain dó ar an bhfaisnéis rúnaicmithe AE sin.

Ós rud é go mbíonn an Coimisiún Eorpach ag láimhseáil faisnéis íogair agus faisnéis rúnaicmithe lena mbaineann ardleibhéal rúndachta go tráthrialta, is chun leas na seirbhíse atá sé an t-imréiteach slándála iomchuí ar an leibhéal ábhartha (SECRET UE/EU SECRET) a bheith ag na baill foirne sin a mbíonn orthu rochtain a bheith acu ar fhaisnéis íogair agus ar fhaisnéis rúnaicmithe de bharr a ndualgas.

Dá bhrí sin, is féidir go n-iarrfar ar na hiarrthóirí ar éirigh leo sa phróiseas roghnúcháin seo, mar réamhchoinníoll earcaíochta i gcás poist áirithe, an nós imeachta imréitigh slándála a ghlacadh orthu féin i gcomhréir le Cinneadh (AE, Euratom) 2015/444 ón gCoimisiún, a luaitear thuas.

Tuigtear, mar sin, go bhfuil na hiarrthóirí a n-éireoidh leo sa phróiseas roghnúcháin seo agus a dhéanfaidh iarratas ar na poist sin sásta nós imeachta imréitigh slándála a ghlacadh orthu féin faoi Chinneadh (AE, Euratom) 2015/444 ón gCoimisiún. I ngach cás, beidh na gnéithe sin sonraithe go soiléir san fhógra folúntais maidir leis an bpost lena mbaineann.

Is é Údarás Náisiúnta Slándála an Bhallstáit a bhfuil an t-iarrthóir ina náisiúnach de a chuirfidh an nós imeachta imréitigh slándála i gcrích. Is mór idir nósanna imeachta imréitigh slándála i mBallstáit éagsúla in amanna. Moltar d'iarratasóirí iad féin a chur ar an eolas faoin nós imeachta sula ndéanfaidh siad iarratas ar an bpróiseas roghnúcháin seo.

## **8. FAISNÉIS BHREISE**

<sup>4</sup> Cinneadh (AE Euratom) 2015/444 ón gCoimisiún an 13 Márta 2015, IO L 72, 17.3.2015, leh. 53.

Tá an fógra próisis roghnúcháin seo foilsithe in 24 theanga oifigiúla an Aontais Eorpaigh ar shuíomh gréasáin AS COMP agus ar shuíomh gréasáin EPSO. Ní mór d'iarrthóirí féachaint ar shuíomh gréasáin AS COMP mar is féidir leis an gcoiste roghnúcháin eolas breise a fhoilsiú ann.

Is trí ríomhphost amháin a dhéanfar gach cumarsáid dhíreach idir na hiarrthóirí agus seirbhísí an Choimisiúin. Dá bhrí sin, ionas go bhféadfaidh seirbhísí an Choimisiúin dul i dteagmháil leis na hiarrthóirí, ní mór do gach iarrthóir seoladh ríomhphoist bailí a thabhairt is féidir a úsáid ó thús deireadh an phróisis roghnúcháin.

Is i gceann de na teangacha a dhearbhaigh na hiarrthóirí a bheith acu ar leibhéal B2 nó leibhéal níos airde san fhoirm iarratais a dhéanfar an chumarsáid idir rúnaíocht an choiste roghnúcháin agus na hiarrthóirí.

## 9. IARRAIDH AR ATHBHREITHNIÚ – NÓS IMEACHTA ACHOMHAIRC – GEARÁN A CHUR FAOI BHRÁID AN OMBUDSMAN EORPAIGH

*Ós rud é go mbíonn feidhm ag na Rialacháin Foirne ag gach céim den phróiseas roghnúcháin, ní foláir a thabhairt do d'aire go gcumhdaítear imeachtaí uile an choiste roghnúcháin faoin gclásal rúndachta a leagtar síos in Airteagal 6 d'Iarscríbhinn III de na Rialacháin Foirne. Má bhraitheann tú ag aon chéim den phróiseas roghnúcháin go ndearna cinneadh áirithe dochar do do leas, is féidir leat dul i muinín na gníomhaíochta seo thíos:*

### ❑ Iarraidh ar athbhreithniú

Is féidir **ríomhphost** a chur chuig an seoladh thíos laistigh de 5 lá féilire ón dáta a dtugtar fógra faoin gcinneadh:

[COMP-SELECTION2023-TACET-AD5@ec.europa.eu](mailto:COMP-SELECTION2023-TACET-AD5@ec.europa.eu)

Cuirfear d'iarraidh ar aghaidh chuig Cathaoirleach an choiste roghnúcháin, agus tabharfar freagra ort gan mhoill.

### ❑ Achomharc

Is féidir leat gearán a dhéanamh faoi Airteagal 90(2) de Rialacháin Foirne Oifigigh an Aontais Eorpaigh. Ba cheart **aon chóip amháin** den ghearán a sheoladh ar **cheann amháin** de na bealaí seo a leanas:

- le ríomhphost, mar chomhad PDF más féidir é, chuig an mbosca litreach feidhmiúil [HR-MAIL-F6@ec.europa.eu](mailto:HR-MAIL-F6@ec.europa.eu);  
**nó**
- tríd an bpost chuig: Commission Européenne, DG HR.F.6, L107/20, BP-1049 Bruxelles

An teorainn ama 3 mhí atá ann chun an cineál gníomhaíochta sin a thionscnamh (féach na Rialacháin Foirne <https://eur-lex.europa.eu/legal->

[content/EN/TXT/PDF/?uri=CELEX:01962R0031-](https://eur-lex.europa.eu/content/EN/TXT/PDF/?uri=CELEX:01962R0031-20210101&qid=1611304898611&from=EN)

[20210101&qid=1611304898611&from=EN](https://eur-lex.europa.eu/content/EN/TXT/PDF/?uri=CELEX:01962R0031-20210101&qid=1611304898611&from=EN)), cuirfear tús leis an tréimhse sin a luaithe agus a thabharfar fógra duit faoin ngníomh a líomhnaítear a bheith ag déanamh dochair do do leas.

Tabhair do d'aire nach bhfuil sé de chumhacht ag an údarás ceapacháin cinntí coiste roghnúcháin a leasú. Is é cinneadh seasta na Cúirte nach bhfuil an discríd leathan atá ag na coistí roghnúcháin faoi réir athbhreithniú ag an gCúirt, ach amháin más léir gur sáraíodh rialacha lena rialaítear imeachtaí coistí roghnúcháin.

#### ❑ Gearán a chur faoi bhráid an Ombudsman Eorpaigh

Dála shaoránaigh uile an Aontais Eorpaigh, féadfaidh tú gearán a chur faoi bhráid an Ombudsman Eorpaigh:

##### **An tOmbudsman Eorpach**

1 avenue du Président Robert Schuman

CS 30403

F - 67001 Strasbourg Cedex

**<https://www.ombudsman.europa.eu/ga/home>**

Tabhair do d'aire nach mbeidh aon éifeacht fionraíochta ag gearáin a chuirtear faoi bhráid an Ombudsman ar an tréimhse a leagtar síos in Airteagail 90(2) agus 91 de na Rialacháin Foirne maidir le gearáin riaracháin a dhéanamh nó achomhairc bhreithiúnacha a chur isteach.

Tabhair do d'aire freisin nach mór, faoi Airteagal 2(4) de na coinníollacha ginearálta a rialaíonn feidhmiú dhualgaís an Ombudsman, **dul i dteagmháil ar na bealaí cuí leis na hinstiúidí agus leis na comhlachtaí lena mbaineann sula gcuirfidh tú aon ghearán faoi bhráid an Ombudsman (maidir le conas sin a dhéanamh, féach:**

**<https://www.ombudsman.europa.eu/ga/atyourservice/secured/complaintform.faces>**